

vroude en om dy coeme ick toe den
 schoet dijner moeder **I**ck lijde groet
 ghewelt mijns herten. van myne
 worde ick gequeelt com com du scho-
 ne bloeme **D**u alre mynlicste moe-
 der ghiff my dijn kint. mijn siele
 queelt ick lijde ghebreck **A**l byn ick
 arm en een sunder. nochtan syn ick
 dijn diener **M**aria ghiff my dijn
 kint gheff den du gheuen salste.
 Com heyl der armen. com mynlike
Jesu taste my an en sich opp my ghes
 my dy toe smaken. **V**eruulle mijn
 wille ick wil dy draghen. **D**y bege-
 re ick nae dy dorst my en wil niet
 toeuen **I**n mijns herten schoet sal-
 stu rusten **D**alre suetste borde maeck
 my dy bequeem. mijn siele is onste-
 ken in dy maeck my dy bequeme
 want du wetest wal waer ome.
D smaeck alre gracen wil in my
 herberghen wil huden in my wo